



ESTATUTOS À Beira de Moçambique - ABM

CAPÍTULO I DA ASOCIACIÓN EN XERAL

Artigo 1º

1.- Constitúese unha asociación sen ánimo de lucro das previstas na Lei orgánica 1/2002, do 22 de marzo, reguladora do dereito de asociación. A asociación ten a seguinte denominación ASOCIACIÓN DE COOPERACIÓN PARA O DESENVOLVEMENTO "À BEIRA DE MOÇAMBIQUE", en adiante **ABM**.

2.- A Asociación **ABM** rexerese polos ditos estatutos, pola Lei orgánica 1/2002, do 22 de marzo e pola demais lexislación existente en materia de asociacións que lle sexa aplicable.

Artigo 2º

O domicilio principal de **À BEIRA DE MOÇAMBIQUE** radicará na localidade de Santiago de Compostela, lugar de Xesteira, nº 2, CP 15890, teléfono 676994626, correo electrónico asociacionabm@gmail.com
Este domicilio poderase modificar sempre e cando siga emprazado na Comunidade Autónoma de Galicia.

Artigo 3º

A Asociación **ABM**, en función dos seus fins e do emprazamento do seu domicilio social, exercerá fundamentalmente as súas actividades no ámbito territorial de Galicia, sen prexuízo de que en cumprimento dos seus fins poida desenvolver as súas actividades e proxectos na República de Mozambique.

Artigo 4º

1.-A Asociación constitúese por tempo indefinido e só se disolverá, conforme a estes estatutos, pola vontade dos asociados expresada en Asemblea Xeral Extraordinaria ou polas causas previstas na lexislación vixente.

2.- **À BEIRA DE MOÇAMBIQUE** rexerese segundo os principios democráticos contidos no marco da Constitución e o resto do ordenamento xurídico.



ESTATUTOS À Beira de Moçambique - ABM

Artigo 5º

1.- O fin principal de **À BEIRA DE MOZAMBIQUE** é a cooperación para o desenvolvemento en Mozambique.

2.- Para posibilitar este fin a asociación **ABM** ten os seguintes obxectivos:

- a) Impulsar a escolarización básica de nenos e adultos
- b) Facilitar a formación universitaria ou profesional de persoas sen recursos.
- c) Contribuír ao sostemento material ou económico de escolas, orfanatos, ou calquera outro lugar que se considere oportuno.
- d) Impulsar e xestionar proxectos destinados a mellorar as condicións de vida.
- e) Promover e xestionar programas de cooperación e asistencia para o desenrolo integral de persoas e colectivos.

3.- Para poder desenvolver estes obxectivos **À BEIRA DE MOZAMBIQUE** actuará por si mesma ou en colaboración con institucións ou misioneiros establecidos en Mozambique.

4.- A Asociación **ABM** non é unha organización relixiosa nin confesional, inda que para o seu traballo en Mozambique contará coa colaboración e apoio de institucións relixiosas e misioneras establecidas alí. Tampouco hai ningunha finalidade política nin ideolóxica.

Atenderase a calquera persoa, sen distinción de raza, sexo, ideoloxía ou relixión.

5.- Para levar a cabo os seus fins, poderá a Asociación organizar as actividades necesarias para promover os obxectivos e recadar os fondos necesarios.

6.- Os beneficios que se obteñan por calquera concepto destinaranse exclusivamente ao cumprimento destes fins, sen que se poidan repartir entre os membros da Asociación nin outras persoas físicas ou xurídicas con interese lucrativo.



ESTATUTOS À Beira de Moçambique - ABM

CAPÍTULO II DOS MEMBROS

Artigo 6º

1- Poderán ser membros de **Á BEIRA DE MOZAMBIQUE** todas aquelas persoas físicas, con plena capacidade de obrar e as persoas xurídicas tralo acordo do seu órgano competente, que non teñan débedas pendentes coa asociación e que reúnan os seguintes requisitos:

- a. Asumir os principios e criterios da Asociación.
- b. Amosar interese pola mellora da vida das persoas de Mozambique, e pola contribución ao desenvolvemento do país.

2.- Poderán ser membros da Asociación **ABM** na súa sección xuvenil, os menores non emancipados de máis de 14 anos co consentimento, documentalmente acreditado, das persoas que deban suplir a súa capacidade.

3.- Os acordos de admisión de membros tomaraos a Xunta Directiva, unha vez recibida a petición por escrito da persoa que desexa ser admitida.

Artigo 7º

1.- Dentro da Asociación **ABM** existen as seguintes clases de membros:

- a) **Fundadores**, aquelas persoas que subscribiron a acta fundacional.
- b) **Numerarios**, aquelas persoas que ingresaron con posterioridade á subscrición da acta fundacional.
- c) **Honorarios**, aquelas persoas físicas ou xurídicas que, a xuízo da Xunta Directiva, ou da Asemblea Xeral, axuden de xeito notable ó desenvolvemento dos fins da asociación.
- d) **Xuvenís**, aquelas persoas menores de 18 anos que participen na asociación, que estarán integradas na sección xuvenil, no seu caso.



À BEIRA DE MOÇAMBIQUE

ESTATUTOS À Beira de Moçambique - ABM

2.- Outras persoas físicas ou xurídicas, non membros, poden colaborar coa Asociación baixo algunha das seguintes denominacións:

- a) **Voluntarios**, aquelas persoas físicas, que respectando os principios e criterios de **ABM**, colaboran co seu traballo de maneira gratuíta.
- b) **Benfeitores**, aquelas persoas físicas ou xurídicas que colaboran economicamente.
- c) **Colaboradores**, aquelas persoas físicas ou xurídicas que colaboran no propio Mozambique coas actividades e obxectivos da Asociación.

Artigo 8º

1.- A condición de membro pérdese:

- a) Por vontade propia.
- b) Por falta de pago de 4 cotas.
- c) Por incumprimento das súas obrigas ou a realización de accións que prexudiquen ou atenten contra os intereses da Asociación, previo expediente disciplinario, con audiencia do interesado.
- d) Por ter con carácter público unha mala conduta cívica.

2.- A expulsión de membros nos supostos dos apartados b), c) e d) do parágrafo anterior, será acordada pola Xunta Directiva, logo da audiencia do interesado. O acordo de expulsión deberá ser ratificado pola Asemblea Xeral Extraordinaria e contra a súa resolución poderase recorrer ante a xurisdición ordinaria.

Artigo 9º

1.- Os membros teñen os seguintes dereitos:

- a) Participar nas actividades de **À BEIRA DE MOÇAMBIQUE** e nos órganos de goberno e representación, exercer o dereito de voto, así como asistir á Asemblea xeral, de acordo cos estatutos, e coas excepcións reflectidas no artigo 9.2 .
- b) Ser informado da composición dos órganos de goberno e representación da Asociación, do seu estado de contas e do desenvolvemento da súa actividade.
- c) Ser oído con carácter previo á adopción de medidas disciplinarias contra el e ser informado dos feitos que dean lugar ás ditas



ESTATUTOS À Beira de Moçambique - ABM

medidas, debendo motivarse o acordo que, no seu caso, impoña a sanción.

- d) Impugnar os acordos dos órganos da Asociación que estime contrarios á lei ou aos estatutos.
- e) Ter a liberdade de aceptar, ou non, desempeñar os cargos para os que foron propostos.

2.- Particularidades de distintos tipos de membros:

- a) Os membros Fundadores teñen dereito a expresar a súa opinión na Xunta Directiva inda se non forman parte dela.
- b) Os membros Honorarios e Xuvenís non intervirán na dirección da Asociación nin nos órganos de representación dela.
- c) Os membros Honorarios teñen o dereito de asistir ás Asembleas Xerais con voz, pero sen voto.

Artigo 10º

Son obrigas dos membros:

- a) Compartir as finalidades da Asociación e colaborar para a súa consecución.
- b) Promover as actividades e obxectivos da Asociación.
- c) Pagar as cotas que se establezan.
- d) Desempeñar os cargos para os que foron elixidos.
- e) Acatar e cumprir os acordos validamente adoptados polos órganos de goberno e representación da Asociación.
- f) Acatar o contido dos Estatutos.
- g) Ter unha boa conduta individual e cívica.

CAPÍTULO III DOS ÓRGANOS DA ASOCIACIÓN

Artigo 11º

A dirección e administración de À BEIRA DE MOÇAMBIQUE serán exercidas polo Presidente, a Xunta Directiva e a Asemblea Xeral.

Artigo 12º

1.- O **Presidente** da Asociación será designado pola Asemblea Xeral entre os membros e o seu mandato durará 4 anos. Será asistido nas súas



ESTATUTOS À Beira de Moçambique - ABM

funcións por un Vicepresidente, que o substituirá nos casos de vacante, ausencia ou enfermidade.

2.- O Presidente terá as seguintes atribucións:

- a) Representar á Asociación perante calquera organismo público ou privado.
- b) Convocar e presidir as sesións que celebre a Xunta Directiva; presidir as sesións da Asemblea Xeral; dirixir as deliberacións dunha e outra, e decidir con voto de calidade, no caso de empate.
- c) Executar os acordos adoptados pola Xunta Directiva e a Asemblea Xeral.
- d) Elixir ao Secretario e ao Tesoureiro, unha vez coñecida a opinión da Asemblea Xeral.
- e) Cesar nas súas funcións ao Secretario ou ao Tesoureiro, por motivos xustificadas ratificados pola Xunta Directiva.
- f) Ordenar os pagamentos acordados validamente.
- g) Asinar as actas, certificados, pagamentos e outros documentos da Asociación xunto co Secretario ou membro da Xunta Directiva a quen lle corresponda a elaboración do documento de que se trate.

Artigo 13º

1.- **A Xunta Directiva** estará formada polo Presidente da Asociación, un Vicepresidente, un Secretario, un Tesoureiro e 2 Vogais.

2.- Os cargos que compoñen a Xunta Directiva serán desempeñados de forma gratuíta, sen prexuízo do dereito a ser reembolsados dos gastos debidamente xustificadas en que poidan incorrer por actuacións relacionadas coa asociación.

As persoas elixidas para estes cargos deberán carecer de interese económico nos resultados da actividade levada a cabo pola asociación.

3.- A Asemblea Xeral será a competente para propoñer ao Secretario e ao Tesoureiro, e para elixir os outros cargos da Xunta Directiva. A súa duración será por un período de 4 anos, aínda que poden ser obxecto de reelección indefinidamente.



À BEIRA DE MOÇAMBIQUE

ESTATUTOS À Beira de Moçambique - ABM

4.- Os cargos cesarán na súa función por:

- a) Falecemento da persoa física ou extinción da persoa xurídica.
- b) Renuncia voluntaria.
- c) Transcurso do prazo para o que foron elixidos.
- d) Acordo de cesamento de toda a Xunta Directiva adoptado por 2/3 dos asociados reunidos en Asemblea Xeral extraordinaria convocada para tal efecto.
- e) Petición do Presidente, no caso do Secretario e do Tesoureiro, con motivo xustificando e avalado pola Xunta Directiva.

5.- A renuncia e o transcurso do prazo non dan lugar ao cesamento automático, senón que se deberá facer un efectivo traspaso de poderes con entrega de documentación e posta ao día do sucesor.

6.- As vacantes que se puideran producir durante o mandato de calquera dos membros da Xunta Directiva, serán cubertas provisionalmente entre os ditos membros ata a elección definitiva pola Asemblea Xeral. En calquera caso, a Xunta Directiva debe estar integrada como mínimo por 3 persoas, que exercerán as funcións de Presidente, Secretario e Tesoureiro.

Artigo 14º

A Xunta Directiva terá as seguintes atribucións:

1. Programar e dirixir as actividades da Asociación.
2. Levar a xestión administrativa e económica da Asociación.
3. Estar en contacto cos colaboradores de Mozambique para coordinar as actividades, e para atender ás súas propostas e suxestións.
4. Propoñer e estudar propostas de proxectos ou accións para desenvolver en Mozambique.
5. Distribuír os recursos económicos da Asociación en función das orientacións xerais aceptadas pola Asemblea Xeral.
6. Someter á aprobación da Asemblea Xeral o orzamento anual de ingresos e gastos, así como o estado de contas do ano anterior.
7. Convocar e fixar a data da Asemblea Xeral.
8. Propoñerlle á Asemblea Xeral a fixación de cotas ordinarias e extraordinarias para os membros.



À BEIRA DE MOÇAMBIQUE

ESTATUTOS À Beira de Moçambique - ABM

9. Propoñerlle á Asemblea Xeral a fixación de distintas modalidades de cota para os Benfeitores.
10. Designar as comisións de traballo ou seccións que se estimen oportunas para o bo funcionamento da Asociación.
11. Ditar normas interiores de organización e exercer cantas funcións non estean expresamente asignadas á Asemblea Xeral.
12. Resolver sobre as solicitudes de ingreso de novos asociados.
13. Propoñer o plan de actividades da asociación á Asemblea Xeral para a súa aprobación, impulsando e dirixindo as súas tarefas.
14. Resolver os procedementos disciplinarios que se instrúan.
15. Aquelas que non veñan atribuídas expresamente a outro órgano da Asociación.

Artigo 15º

1.- A Xunta Directiva será convocada polo Presidente, a iniciativa propia ou a petición de calquera dos seus compoñentes, ou a petición conxunta dos membros Fundadores.

2.- Hase reunir polo menos unha vez ao trimestre, agás motivo xustificado.

3.- Para que os acordos da Xunta Directiva sexan válidos, deberán ser adoptados pola maioría de votos dos asistentes, sendo necesaria a concorrencia, polo menos, da metade máis un dos seus membros e, en todo caso, do Presidente ou Vicepresidente e o Secretario ou persoa que o substitúa.

4.- O Secretario ou, no seu defecto, o Vogal que o substitúa, levantará acta das sesións, que se transcribirá ao Libro de Actas.

Artigo 16º

Os membros da Xunta Directiva presidirán as comisións que a propia Xunta acorde constituír, co fin de delegar nelas a preparación de determinados actos ou actividades, ou de acadar delas as informacións necesarias. Formarán parte das ditas comisións o número de asociados que acorde a Xunta Directiva, a proposta dos seus respectivos presidentes.



À BEIRA DE MOÇAMBIQUE

ESTATUTOS À Beira de Moçambique - ABM

Artigo 17º

A **Asemblea Xeral** de membros é o órgano de expresión da vontade da Asociación **ABM** e estará formada por tódolos integrantes desta. O Presidente e o Secretario da Asemblea serán o Presidente e o Secretario da Asociación.

Artigo 18º

A Asemblea Xeral reunirase con carácter ordinario como mínimo unha vez ao ano, e con carácter extraordinario cantas veces o acorde a Xunta Directiva, ou o soliciten o 10% dos membros. Neste último caso realizarase por medio de escrito dirixido ao presidente, autorizado coas sinaturas dos solicitantes, no que se expoña o motivo da convocatoria e a orde do día.

Artigo 19º

Tanto a Asemblea Ordinaria como a Extraordinaria serán convocadas con un mes de antelación polo Secretario por orde do Presidente da Asociación. Nesa comunicación especificarase a data e o lugar de reunión.

Artigo 20º.- Serán competencias da Asemblea Xeral Ordinaria:

1. Aprobar o Plan de Actividades.
2. Examinar e aprobar as contas e balances do exercicio anterior.
3. Aprobar os presupostos de ingresos e gastos para cada exercicio.
4. Aprobar o Regulamento de Réxime Interno da Asociación.
5. Exame e aprobación das cotas dos membros, e das propostas de cotas para os Benfeitores.

Artigo 21º.- Serán competencias da Asemblea Xeral Extraordinaria:

1. Modificar os estatutos da asociación.
2. Elixir e cesar os integrantes da Xunta Directiva.
3. Aprobar a federación con outras asociacións.
4. Autorizar o alleamento, gravame ou hipoteca de bens sociais.
5. Acordar a disolución da Asociación.
6. Designar os liquidadores.
7. Ratificar a expulsión de membros a proposta da Xunta Directiva.



À BEIRA DE MOÇAMBIQUE

ESTATUTOS À Beira de Moçambique - ABM

8. Solicitar a declaración de utilidade pública da Asociación.
9. As que sendo de competencia da asemblea ordinaria, por razóns de urxencia ou necesidade, non poidan agarda-la súa convocatoria, sen grave prexuízo para a Asociación.

Artigo 22º. A Asemblea Xeral quedará validamente constituída sempre que concorran a metade máis un dos membros na primeira convocatoria ou transcorrida media hora en segunda convocatoria, con calquera número de asistentes, pero, en todo caso, coa presenza do Presidente ou Vicepresidente e o Secretario ou persoa que o substitúa.

Artigo 23º.- Os acordos adoptados deberán selo polo voto afirmativo da maioría simple dos asistentes ou representados, excepto os relativos aos apartados do 1 ó 7 do artigo 21º, que requirirán maioría de dous terzos. A continuación levaranse os acordos ao Libro de Actas e asinarao o Presidente e o Secretario da Asemblea. A acta deberá ser lida na seguinte sesión celebrada pola Asemblea Xeral e aprobada pola maioría dos membros presentes.

Artigo 24º.- Os acordos adoptados conforme aos preceptos anteriores obrigarán a tódolos membros, incluso aos non asistentes.

As sesións abriranse cando así o determine o Presidente. Seguidamente procederase por parte do Secretario á lectura da acta da Asemblea anterior que deberá ser aprobada.

Posteriormente, o Secretario procederá a presentar a Orde do día. Cada punto será informado polo membro da Xunta Directiva que lle corresponda, procedéndose ao debate e á aprobación dos correspondentes acordos nos termos contidos nestes Estatutos, segundo a materia de que se trate.

Artigo 25º.- Os acordos que vaian contra estes Estatutos ou infrinxan os fins da Asociación poderán ser recorridos en reposición diante da Asemblea Xeral. A partir da resolución do recurso de reposición, quedará expedita a vía para recorrer perante a xurisdición ordinaria.

Artigo 26º.- O **Vicepresidente** será o que obtivo o segundo lugar na votación para elixir ao Presidente.



ESTATUTOS À Beira de Moçambique - ABM

Artigo 27º.- 1. O **Secretario** recibirá e tramitará as solicitudes de ingreso, levará o ficheiro e o libro de rexistro de membros e terá ó seu cargo a dirección dos traballos administrativos de **ABM**. Correspóndelle, así mesmo, notificar as convocatorias, custodiar as actas e expedir certificacións destas co visto e praxe do presidente. O Secretario tamén levará o inventario dos bens da Asociación nun libro establecido para este efecto.

2. Nos casos de ausencia, vacante ou enfermidade do Secretario, o Presidente designará entre os Vogais a un que desenvolva esta función.

Artigo 28º.- 1. O **Tesoureiro** será o depositario da Asociación, asinará os recibos, dará cumprimento ás ordes de pagamento que expida o Presidente, e levará os Libros de Contabilidade.

2. O Tesoureiro ten a obriga de formalizar, durante o primeiro mes do ano, un balance de situación e as contas de ingresos e gastos, que se poñerán en coñecemento, primeiramente da Xunta Directiva, e, posteriormente, da Asemblea Xeral.

3. Así mesmo, o Tesoureiro ten a obriga de elaborar anualmente o borrador de orzamentos.

Artigo 29º.- Os Vogais terán as seguintes atribucións:

1. Realizar programas e propostas na súa área de actuación.
2. Desempeñar os traballos que lle sexan encomendados pola Xunta Directiva.

CAPÍTULO IV RÉXIME ECONÓMICO

Artigo 30º.- À BEIRA DE MOÇAMBIQUE no momento de iniciar as súas actividades carece de patrimonio fundacional e non dispón de instalacións ou locais propios. O peche do exercicio económico coincidirá co do ano natural.

Artigo 31º.- O Presuposto Xeral da Asociación apróbaos inicialmente a Xunta Directiva, e preséntao para a súa aprobación definitiva á



ESTATUTOS À Beira de Moçambique - ABM

Asemblea Xeral. Estará fundamentado nunha memoria que recolla os proxectos e obxectivos que se pretenden acadar durante o exercicio.

Artigo 32º.- A Asociación **ABM** manterase dos seguintes recursos:

1. As cotas periódicas dos membros.
2. As cotas extraordinarias que propoña a Xunta Directiva e sexan aprobadas pola asemblea.
3. As doazóns ou subvencións que poidan conceder órganos públicos, entidades privadas ou particulares.
4. Os ingresos que se poidan recibir polo desenvolvemento das actividades da Asociación.
5. Calquera outro ingreso admitido pola normativa vixente para actividades non lucrativas.

Artigo 33º.- A Asemblea Xeral Ordinaria, a proposta da Xunta Directiva, aprobará tanto as contas ordinarias como as extraordinarias que non serán reintegrables en ningún caso. O recadado dedicarase a atender as necesidades da Asociación.

Artigo 34º.- Anualmente, con referencia ao último día do exercicio económico de cada ano, elaboraranse as contas, que se formalizarán nunha memoria, que será posta a disposición dos membros, durante un prazo non inferior a 15 días ao sinalado para a celebración da Asemblea Xeral Ordinaria, que deberá aprobalas ou censuralas.

Artigo 35º.- Para a disposición de fondos das contas que a Asociación ten nas entidades bancarias será necesaria a sinatura conxunta do Presidente e do Tesoureiro.

Artigo 36º.- Como entidade sen ánimo de lucro, en ningún caso poderán ser distribuídos entre os membros os recursos obtidos pola Asociación.

CAPÍTULO V DO REGULAMENTO DE RÉXIME INTERNO

Artigo 37º.- O Regulamento de Réxime Interno desenvolverá aquelas materias non contempladas directamente nestes Estatutos, e non pode ir



ESTATUTOS À Beira de Moçambique - ABM

en ningún caso en contra do estipulado neles. En todo caso, o funcionamento interno da Asociación estará sometido ao ordenamento xurisdiccional civil.

CAPÍTULO VI MODIFICACIÓN DE ESTATUTOS E DISOLUCIÓN DA ASOCIACIÓN

Artigo 38º.- Os ditos Estatutos só poderán ser modificados por acordo da Asemblea Xeral Extraordinaria convocada para tal efecto, adoptado polas 2/3 partes dos membros. A proposta de convocatoria deberá ir acompañada do texto das modificacións propostas.

Artigo 39º.- À BEIRA DE MOÇAMBIQUE disolverase voluntariamente por acordo dos membros adoptado polas 2/3 partes dos asistentes á Asemblea Xeral Extraordinaria convocada para tal efecto.

Artigo 40º.- Acordada a disolución, a Asemblea Xeral Extraordinaria designará tres membros liquidadores, que xunto ao Presidente e ao Tesoureiro, procederán para efectuar a liquidación dos bens, pagando débedas, cobrando créditos e fixando o haber líquido resultante.

Artigo 41º.- O haber resultante, unha vez efectuada a liquidación, doarase a Cáritas Moçambique, a través de Cáritas España. O xustificante da doazón será presentado no Rexistro de Asociacións correspondente para proceder á inscrición da disolución da Asociación.